



НӨБАСЬЫСЬ САЛОМЩИК



Коркө саломщик да поп вөлі олөны. Да. Дерт, ная эз омөля оллыны. Важөнтө вөд вөлі пыртасны ли колльодасны кө, мөсьясөн вөлі ваялөны налы, колькьястө-й, рысьястө-й, выйястө-й быдөн. Толькө абуыс эз вөө налөн, сэсся ставсө ваяласны ыджыд прикодсьыд.

Да. Но, саломщиклөн вөлі гөтыр, быд лун вөлі сия пувө-пөжалө чөскыдысь-чөскыдөс, вердө ассье мужиксө, саломщикөс. Кокни олөм ылад да бур сөяннад сэтшөма кутис тшөгны саломщик, толькө кызө и кызө. Но, зонмө, шувө, омөля тай нө сөя, а кынөм век содө да ыждө, ог-ө нин ме нөбась случайным делө.

А верстджын сайын кынөм төдысь баба вөлі нималө. Час жө пө ме ветла сы динө, сия вөд, көнкө, төдө, збыльсь-ө ладнө менам рушкуөн.

Коркө-й мунис сия төдысь баба динө и пырис. Төдысь баба и шувө, шойччы пө, Иван Иванович. Иван Ивановичөн вөлі шувөны сийө. А тэ ордын пө тай бабаяс, а менам секретном делө, ыллаө пө огө петалөй, Дарья, шувө саломщик. Петалам пө.

Посводзө петисны ная, саломщик и пондис висьтооны гусьоникөн, вот пө, Дарья, менам пө рушку пондис ыждыны, да ог-ө пө нөбась мыйкө ме, видлоо пө да висьтоо, тэ пө вөд төдан. Чөөлы пө, сарай пыдөсө кайлам, тані пө кыласны, шувө Дарья. Сарай пыдөсө Дарья катөдис саломщикөс и пондис шуны, кыз нө пө ме ог төд, төдтөг пө ме ог ов, вай пө дөрөмтө лэпты, ок, ок, ок, Иван Иванович, збыль пө тай тэ нөбасян. Неужели пө? Збыль пө.

Шөгөдис саломщикөс, памятнойй нижко кыскис зепсьыс, ювалө, кор нө пө вовас ваян кадыс, тэ пө вөд, Дарья, төдан, вай пө висьтоо. Кыз нө пө ог төд ме, шувө Дарья, сизим төлысь пө нуван, точно, сизим төлысь пө, сэсся ещө квайт лун олан и обязательно ваян, а то и водзджык.

Да. Гижис памятнойй нижкаө саломщик, мед оз вун, сэсся мыччис деньга, на пө пять рублей пока, а коркө, благополучнө кө ловө, ыджыда пө наградита, толькө тэ некодлы тун ни бун, некодлы пө эн висьтоо. Но мян вомысь пө оз пет, гөра вермас прөйдитны, шондi вермас бергөдчыны, а менам вомысь оз пет, сарьяс моз шувис Дарья.

Да. Вовис саломщик гортө, зээ жугыль. Олө вежаун сия, и мөдөс, и век жугыль; коркө-й гөтыр казялис, мый нө пө, Иван Иванович, сэтшөм жугыль, эн тай кут любитны, шувө гөтырыс. Чөө пө нин, вися пө быдлатi, гөгөр юколө. Но, висьө кө-й висьө, баба пондис веритны, чипан колькьяс пондис пуны да вердны сийө.

Олісны ная тадзи, и коркө саломщик памятнойй нижкатө видліс:

вит тóлысь нин кольóма вайтóдзис. Шогсьó саломщик, шогсьó тшóтш и гóтырыс, мужик висьóм кузя, гадзнад кулан пó, кулан, шувалó сiя.

Но, меным висьтооны регыд, а коркó, олисны, олисны да, кык недель нин коли. Тавун пó ловó нин пышйыны, думайтó саломщик. Деньгатор лóсьóдис, кóлуйтор, мыйóн бабас войнас ныр горóн унмоосис, гусьóникóн кань-кань-кань петис и, кытчó син видзóдó, пондис мунны.

Мунис, мунис сiя вóлóкóд и аддзис кутшóмкó ёкмьль. Да. Войыс вóли тóлыся да тыдалó. Мый нó татшóмыс, шувó. Матыстчис сiя, видзóдó да морт шуй куйлó, сэтшóм лакóвóй гóленя сапóгьяса. А саломщик вóлóма зээ горш йóз добра вылад. Сiя-й пондис кыскыны сапóгьястó. Кыскис, кыскис, некыдз оз шед. Аттó дивó, шувó, аскомьсь нин ваян строк менам, а быдла(ó) ловó кад воштыны. Эз шедны сапóгьясыд да пуртóн и вундис кокьяссó, сэся нопьяс суйис.

«Коркó ловья кó лова, сапóгьяса,» — думайтó. Босьтис сапóгьястó сiя и мóдис водзó.

Мунис, мунис лун куим кыным, узянiн пондис корсьны, кутшóмкó рыныш ли пысян. Сэся аддзис, кутшóмкó дядьóлөн биа керкас, сэтчó-й пырис. Дядьó, он-ó пó лэдз менó узьны, паччóрад ли мый ли, шувó. Но, кыз нó он лэдз прокодящóй мортóс, шувó дядьó, лэдзам, паччóр сэрóгó и кай. Кайис паччóр сэрóгó саломщик да гусьóникóн, куритчигмоз, и видлис нижкатó.

«Тавун обязательно ваян кад, — шувó аслыс, — мый лован ло, а коомас вайны».

А кóзьян сiйó пондис ужнайтны чуксооны, лок, шувó, ужнайтам, лок. Ог пó нин, пасибó. Лок пó збыльысь. Ог пó, ог, оз коо.

«Кысь нин сёйны кага ваян войó», — думайтó.

Сэся куйлис, куйлис сiя, и мудз выысьыд унмоосис, ачыс эз и тóдлы. А кóзьян сэк кóсти паччóрó катóдис кукóс, мед пó оз кынмы войнас, и бокас водтóдис.

Садьмис коркó саломщик, малыштис рушкусó: небзьóма быдóн сiя, вайсьóма пó, буракó. Малыштис бокас, мыйкó гóна сюри ки улас. «Ма-а» шувó, быдóн дажó черóбтис, поозис, мый ыджда штука пó вайсьóма.

«Кызкó эськó пышйыны óни», думайтó. Некод кó пó оз казёó, гóс-нечала жó ме тайясóс. Сэся нбóжйóник кань-кань-кань лэччис паччóрысь, дажó шыр оз кыы, вовис óдзóс дорó и посводзóдз петис.

— Но, слава тебе, господе, слава те господе, — шувалó, — татчóдз коли вови, морт лова, ставыс ловас ладнó.

И давай пышйыны саломщик.

Полчаса мысьтóн чеччис кóзьян и кайис паччóрó, кынмó оз нин пó кукным. Кайис сiя паччóрó и аддзó: кук куйлó, а прокодимóй мортлөн толькó кокьясыс кольóмась.

— Ой-ой-ой! Эштис тай, тыдалó, олóмыд. Анна, Анна, чеччы вай óдйó, юкмóс вóч, — шувó бабаслы.

— Мый нó нин ловóма, мый нó горзан?

— Тóрыт тай морттó лэдзим, кукуд сёйóма, кокьясыс толькó кольóма, юкмóсó колó шыбытны куктó, мед оз казёоны, мед оз мыждыны.



Пондiсны сэн, зонмө, кукөс накажитны, мыйла пö сөйин прокоди-мөй мортөс. Да. Мед оз бакөстны вермы кук, став перина-пöдушкаясөн гартлисны сiя, зорьяс, пыридзьяс босьтисны и лэччисны йи вылө. Код-йисны сэн юкмөс и брут шыбытисны куктө.

— Но, смотри, тая дивө кö кодлыкө висьтолан, кыыяс кö кытчөкө, ме петкөдла пуж,— грөзитө кöзяин.

А бабалөн саломщик воши, и поп тшөтш матькө, куим праздник прокодитис да мыйта убытка пö лови.

Коркө рытын сэсся-й вовис саломщик гортө. Тайө нө пö көн тэ ветлин, трасича, пьянствуйтин али мый, пинелө бабас.

— Ок, баба, баба, тöдан кö, кутшөма ме страдайтi, госпöде помилуй.

— Мый нө, тюрьман али мый нин вöлин? Висьтоо!

— Көть и тэ гөтыр, а ог лысьт висьтовны,— шувө саломщик,— Микөлалы клятва сет, мый некодлы он висьтоо, сэки висьтала.

Баба сетис Микөлалы клятва, и саломщик висьтолис, сiдз пö и сiдз, ме пö вöли нөбася да кага вайи, зээ ыджыд пö вöли, гöна, дядьб ордö пö гусьөн и коли.

Висьтолис тайө саломщик и водзö пондiсны ооны.

Коркө саломщиклөн докод лови, чөлкөвөй ветымын кыным, дум вылас уси тöдысь бабад, час жö пö награда ловö сылы нуны. Гусьөникөн мунис сiя тöдысь баба дiнад, зээ мича бумага деньга сетис и шувө, правда жö пö тэ вöлөм тöдан, навечнө пö ме тэнö свертөкө гижа, за здравие кута кевмыны öни, и кулөм бöрад — за упокой.